

viantes in proximo festo Penth(ecostes) sollempnia coronationis sue per aliquos de fratribus nostris, ex quo in ipso termino sibi diu^a assignato in Urbe pro predictis personaliter, presertim impediende concilio, interesse non valeamus, impertiri faciamus, multas rationes et causas super hoc pretendendo, prout tibi scripsisse meminimus hiis diebus¹. Super quo diligenti deliberatione frequenter cum fratribus nostris habita de consilio et assensu eorum processit, quod huiusmodi supplicatio non erat aliququaliter repellenda, set concedenda omnino. (3) Et cum ipsi incunctanter tenerent, quod inibi sic diffiniremus dictis nuntiis respondendum, nos considerantes, quod inter te forsitan et ipsum regem aliqua expedienda restabant, in corde nostro disposueramus diu ante, prout iam ad tui notitiam, plures dies sunt elapsi, credimus pervenisse, ipsi regi super petitis per nostros speciales nuntios respondere, ut saltem ista dilatione pendente scire possemus, que essent illa et providere, si Deus concederet, de remedio oportuno. Deliberationibus vero, consiliis et consensibus dictorum fratrum auditis, licet clare nobis appareret, quod ipsius supplicationis necessitate et predictis deliberationibus, consiliis et consensibus ac omnibus ipsius massam negotii contingentibus inspectis non debeat denegari, eisdem exposuimus, quod multa circa ista ad nos pervenerant, que ipsos latebant et propter hoc non poteramus ita cito, ipsius regis Romanorum utilitate pensata, respondere precise super petitis ab ipso, set quod nos per nostros nuncios sollempnes infra paucos dies responderemus et talem responsionem sibi faceremus, quod esset Deo grata et sibi utilis et accepta. Quam responsionem quadam necessitate cogente cum ipsam ultra debitum et per plures dies distulissemus semper expectantes, quod super predictis nobis intencionem tuam intimares, proximo precedente Sabbato videlicet XVI. die ipsius mensis, nunciis et ambaxatoribus supradictis in consistorio publico duximus exponendam, de qua, quia precise non respondimus, quid super hoc in specie ipsi regi respondere intendebamus, minus bene contenti fuerunt. (4) Et quia dictam missionem ultra quindecim vel viginti dies ad plus differre² nequimus, excellentiam regiam rogamus et hortamur attente, quatinus illum, quem ad nos deputasti venturum, cum celeritate, que dictum terminum

a) Folgt am Ende der Zeile ein 'est', das zu streichen ist.

1) Siehe oben n. II von 1310 Dec. 9. 2) Clemens V. antwortete dann am 28. Febr. aufschiebend. Bonaini I, 168 n. 104.